

四庫全書

集部

欽定四庫全書

御定全唐詩卷六百八十五

吳融

花村六韻

地勝非離郭花深故號村已憐梁雪重仍愧楚雲繁山
近當吟冷泉高入夢喧依稀小有洞邂逅武陵源月好
頻移座風輕莫閉門流鶯更多思百轉待黃昏

賦雪十韻

雨凍輕輕下風乾浙浙吹喜勝花發處驚似客來時河
靜膠行棹巖空響折枝終無鷓鴣識先有鵲鴿知馬勢
晨爭急鷓鴣晚更飢替霜巖柏署藏月上龍墀百尺樓
堪倚千錢酒要追朝歸紫閣早漏出建章遲臘候何曾
爽春工是所資遙知故溪柳排比萬條絲

溪邊

溪邊花滿枝百鳥帶香飛下有一白鷺日斜翹石磯

長安逢故人

歲暮長安客相逢酒一杯眼前閒事靜心裏故山來池
影含新草林芳動早梅如何不歸去霜鬢共風埃

雨夜

旅夕那禁雨梅天已思秋未明孤枕倦相吊一燈愁有
戀慚滄海無機奈白頭何人得濃睡溪上釣魚舟

旅中送遷客

天南不可去君去吊靈均落日青山路秋風白髮人言
危無繼一作聽者道在有明神滿目盡胡越平生何處陳

寄尚顏師

僧中難得靜靜得是吾師到闕不求紫歸山祇愛詩臨
風翹雪足向日剝霜鬚自歎眠漳久雙林動所思

微雨

天青織未徧風急舞難成粉重低飛蝶黃沉不語鶯自
隨春靄亂還放夕陽明惆悵池塘上荷珠點點傾

送廣利大師東歸

紫殿久霑恩東歸過海門浮榮知是夢輕別肯銷魂明

發先晨鳥寒栖入暝後叢山如重到應老舊雲根

大師善於

草聖故云

關東獻兵部劉員外

昨夜星辰動仙郎近

一作過

漢闕玳筵吟雪罷錦帳押一作

壓春還已到青雲上應棲絳圃間臨邛有詞賦一為奏

天顏

途次淮口

寒流萬派碧南渡見烟光人向隋宮近山盤楚塞長有

村皆綠暗無筵不紅芳已帶傷春病如何更異鄉

詠柳

自與鶯為地不教花作媒細應和雨斷輕祇愛風栽好
拂錦步幃莫遮銅雀臺灞陵千萬樹日暮別離回

武牢關遇雨

澤一作深春關路迴暮雨細霏霏帶霧昏河浪和塵重客

衣望中迷去騎愁裏亂斜暉惆悵家山遠溟濛濕翠微

春寒

固教梅忍

怨一作怒

落休與杏藏嬌已過冬疑剩將來暖未

饒玉堦殘雪在羅薦暗魂銷莫問王孫事烟蕪正寂寥

早發

登一作潼關

天邊月初落馬上夢猶殘闕樹蒼蒼曉玉堦澹澹寒官
遊終自苦身世靜堪觀爭似山中隱和雲枕碧湍

送策上人

昨來非有意今去亦無心闕下拋新院江南指舊林瓶
添新澗綠笠卸晚峯陰八字如相許終辭尺組尋

和諸學士秋夕禁直偶遇一作雪

大華積秋雪禁闈生夜寒
硯冰憂詔急燈燼惜更殘
正
遂攀嵇顛翻追訪戴歡更為三日約高興未將闌

御溝十六韻

一水終南下何年派作一作溝穿城初北注
過苑却東

流繞岸清波溢連宮瑞氣浮
去應涵鳳沼來必滲龍湫
激石珠爭碎縈堤練不收
照花長樂曙泛葉建章秋
影
炫金莖表光搖綺陌頭
旁沾畫眉府斜入教簫樓
有雨

難澄鏡無萍易擲鈎鼓宜堯女瑟盪必蔡姬舟臯著作
的通鳴鶴津應接斗牛迴風還潏潏和月更悠悠淺憶
觴堪泛深思杖可投秭懷涇合慮不帶隴分愁自有朝
宗樂曾無潰穴憂不勞誇大漢清渭貫神州

赴闕次留獻荆南成相公三十韻

分閭兼文德持衡有武功荆南知獨去海內更誰同拔
地孤峯秀當天一鷄雄雲生五色筆月吐六鈞弓骨格
凌秋聳心源見底空神清飡沆瀣氣逸飲洪濛臨事成

奇策全身仗至忠
解鞍欺李廣
煮弩箠臧洪
往昔逢多難
來茲故統戎
卓旗雲夢澤
撲火細腰宮
鏹土樓臺構
連江雉堞籠
似平鋪掌上
疑湧出壺中
豈是勞人力
寧因役鬼工
本遺三戶在
今匝萬家通
畫舸橫青雀
危檣列綵虹
席飛巫峽雨
袖拂宋亭風
塲廣盤球子
池閒引釣筒
禮賢金壁賤
煦物雪霜融
酒滿梁塵動
碁殘漏滴終
儉常資澹靜
貴絕恃穹崇
唯要臣誠顯
那求帝渥隆
甘棠名異爽
大樹姓非馮
自念為遷客
方諧謁上公
痛

知遭止棘頻歎委飄蓬借宅誅茅綠分困一作倉指粟紅
只慚燕館盛寧覺阮途窮渙汗霑明主滄浪別釣翁去
曾憂塞馬歸欲逐邊鴻積感深於海銜恩重極嵩行行
柳門路回首下離東

三峯府內矮柏一作檜十韻

擢秀依黃閣移根自碧岑周圍雖合抱直上豈盈尋遠
砌行窺頂當庭坐庇陰短堪驚衆木高已讓他林日轉
無長影風迴有細音不容蘿蔦附只耐雪霜侵玉帳籠

應匝牙旗倚更禁葉低宜拂席枝裏易抽簪綠澗支離
久朱門掩映深何須一千丈方有歲寒心

雪十韻

灑密蔽璇穹霏霏香莫窮遲於雨到地疾甚絮隨風四
野蒼茫際千家晃朗中夜迷三繞鵲畫斷一行鴻結片
飛瓊樹裁花點一作照藥宮壅應邊盡北填合海無東高
愛危峯積低愁暖氣融月交都浩渺日射更瓊瓏送臘
辭寒律迎春入舊叢自憐曾未至聊復賦玄功

和睦州盧中丞題茅堂十韻

有士當今重忘情自古稀獨開青嶂路閒掩白雲扉石
累千層險泉分一帶微棟危猿競下簷迴鳥爭歸烟冷
茶鐺靜波香蘭舸飛好移鍾阜蓼莫種首陽薇樹密含
輕霧川空漾薄暉芝泥看只一作捧蕙帶且休圍東郭
鄰穿履西林近衲衣瓊瑤一百字千古見清機

奉和御製六韻

天曉密雲開亭亭翠葆來
艾荷籠水殿楊柳蔽風臺恩

洽三時雨歡騰萬歲雷日華偏照御星彩迴分台葦岸
縈仙棹蓮峰倒玉杯獨慚歌聖德不是侍臣才

敗簾六韻

有客編來久彌年斷不莫一作收不堪風作候豈復燕為
雙言盡見三重閣難迷百尺樓伴燈微拚夢蕉扇劣遮羞
零落亡珠綴殷勤謝玉鈞涼宵何必捲月自入軒流

玉堂種竹六韻

當砌植檀欒濃陰五月寒引風穿玉牖搖露滴金盤有

韻和宮漏無香雜
畹蘭地疑一作嚴雲鏤易日近雪封難
靜稱圍棊會閒宜
閣筆看他年終結實不羨樹棲鸞

和韓致光侍郎無題三首十四韻

珠佩元消暑犀簪自辟塵
拚燈容燕宿開鏡待雞晨去
嬾都忘舊來多未厭
新每逢憂是夢長憶故延真杏小
雙圓壓一作鑿山濃雨點
頰瘦難勝寶帶輕欲馭颺輪篋
鳳金雕翼釵魚玉鏤鱗
月明無睡夜花落斷腸春解舞
何須楚能箏可在秦
怯探同海底稀過極天津
綠柰攀

宮艷青梅弄嶺玲管纖銀字咽梭密錦書勻厭勝還隨
俗無疑不避人可憐三五夕娥媚善為鄰

舞轉輕輕雪歌霏漠漠塵漫游多卜夜慵起不知晨玉
箸和妝衰金蓮逐步新鳳笙追北里鶴馭訪南真有恨
都無語非愁亦有嘖戲應過蚌浦飛合入蟾輪杯樣成
言鳥梳文解卧鱗逢迎大堤晚離別洞庭春似玉曾誇
趙如雲不讓秦錦收花上露珠引月中津木為連枝貴
禽因比翼珍萬峰酥點薄五色繡妝勻懶髓求魚客鮫

綃托海人寸腸誰與達洞府四無鄰

綺閣臨初日銅臺拂暗塵鷓鴣偏報曉烏鷄慣驚晨魚
網裁書數鷓絃上曲新病多疑厄重語切見心真子母
錢徵笈西南月借嘖擣衣嫌獨杵分袂怨雙輪貝葉教
丹甯金刀寄赤鱗捲簾吟塞雪飛楫渡江春解織宜名
蕙能歌合姓秦眼穿回雁嶺魂斷飲牛津藥自偷來絕
香從竊去珍茗煎雲沫聚藥種玉苗勻草密應迷客花
繁好避人長干足風雨遙夜與誰隣

倒次元韻

南陌來尋伴，東城去卜鄰。生憎無賴客，死憶有情人。似
束腰支細，如描髮彩勻。黃鸝裁帽貴，紫燕刻釵珍。身近
從淄右，家元接觀津。雨臺誰屬楚，花洞不知如。一作秦淚
滴空林，冷妝濃滿鏡。春枕涼歌琥，珀簟潔展麒麟。茂苑
廊千步，昭陽扇九輪。陽城迷處笑，京兆畫時頻。魚子封
牋短，蠅頭學字真。易判期已遠，難諱事還新。艇子愁衝
夜，驪駒怕拂晨。如何斷岐路，免得見行塵。

箇人三十韻

嫋嫋復盈盈何年墜玉京見人還道姓羞客不稱名故
事諳金谷新居近石城臉橫秋水溢眉拂遠山晴粉薄
塗雲母簪寒簦水晶催來兩槳送怕起五絲縈髻學盤
桓縮牀依宛轉成博山疑霧重油壁隱一作穩車輕額點

梅花樣心通棘刺情搔頭邀頤遇約指到平生魚網徐

徐裝螺卮一作杯淺淺傾芙蓉褥已展荳蔻水休更趙女

憐膠膩一作固丁娘愛燭明炷香龍薦腦辟魘虎輸精管

咽參差韻弦嘈倭儹聲花殘春寂寂月落漏丁丁柳絮
聯章敏椒花屬思清翦羅成彩字銷蠟脫珠纓邂逅當
投珮艱難莫拊楹甌來身熱定舐得面痕平匣鏡金螭
怒簾旌繡獸擗頸長堪鶴並腰細任蜂爭滴淚泉饒竭
論心石未貞必雙成一作鳳去豈獨化蟬鳴書遠腸空
斷樓高瞻易驚數錢紅帶結鬪草萋裙盛袂一作柳闌
干小侵波略約橫夜愁遙寄雁曉夢半和鶯翼抵思鷓
比根長兼藕并可憐衣帶緩休賦重行行

卽席十韻

住處方窺宋平生未嫁盧暖金輕鑄骨寒玉細凝膚如
蜨長成伴傷鸞耐得孤城堪迷下蔡臺合上姑蘓弄眼
難降柳含茸欲鬪蒲生涼雲母扇直夜博山爐翡翠交
妝鏡鴛鴦入畫圖無心同石轉有淚約泉枯後渴應須
見鷹飢祇待呼銀河正清淺電節過來無

追詠棠梨花十韻

蜀地從來勝棠梨第一花更應無軟弱別自有妍華不

貴綃為霧難降綺作霞移須歸紫府駐合餌丹砂密映
彈琴宅深藏賣酒家夜宜紅蠟照春稱錦筵遮連廟魂
棲望飄江字繞巴未饒酥點薄兼妬雪飛斜舊賞三年
斷新期萬里賒長安如種得誰定牡丹誇

縣竹山四十韻

縣竹東西隅千峯勢相屬峻嶒壓東巴連延羅古蜀方
者露圭角尖者攢箭簇引者蛾眉彎斂者鳶肩縮尾螺
聳青蛇盤頸低玄兔伏橫來突若奔直上森如束歲在

作壘年銅梁搖蔓毒相國京兆公九命來作牧戎提虎
僕毛專奉狼頭纛行府寄精廬開窗對林麓是時重陽
後天氣曠清肅茲山昏曉開一一在人目霜空正泆寥
濃翠霏撲撲披海出珊瑚貼天堆碧玉俄然陰靈作城
郭纔霰霰絕頂已凝雪晃朗開紅旭初疑崑崙下天矯
龍銜燭亦似蓬萊巔金銀臺疊蹙紫霞或旁映綺段鋪
繁褥晚照忽斜籠赤城差斷續又如煮吳鹽萬萬盆初
熟又如濯楚練千千疋未軸又如水晶宮蛟螭結川瀆

又如鐘乳洞雷雷開巖谷丹青畫不成造化供難足合
有羽衣人飄飄曳烟躅合有五色禽叫嘯含仙曲根雖
限劍門穴必通林屋方諸滄海隔欲去憂淪覆羣玉縹
緲間未可量往復何如當此境終朝曠遐矚往往草檄
餘吟哦思幽獨早晚掃欒槍笳鼓迎暢一作輪轂休飛霹
靂車罷繫一作擊蝦蟆木勒銘燕然山萬代垂芬郁然後
恣逍遙獨往羣麋鹿不管安與危不問榮與辱但樂濠
梁魚豈怨鍾山鵠紉蘭以圍腰採芝將實腹石牀須卧

平一任閒雲觸

祝風三十二韻

我有二頃田長洲東百里環塗為之區積葑相連纏松
江流其旁春夏多苦水隄防苟不時汎濫即無已粵余
病眠久而復家無恃田畷不勝荒農功皆廢弛他稼已
如雲我田方欲蒔四際上通波兼之葭與葦是時立秋
後烟露浩淒矣雖然遣畢功萎約都無幾如何海上風
連日從空起似欲驅滄溟來沃具區裏噫嘻爾風師吳

中多豪士困倉過九年一粒惜如死糴賤兼糴貴凶年
翻大喜只是疲羸苦纔飢須易子余乃輶軻者進趨年
二紀秋一作我不安一食春不閒一晷腸迴為多別骨瘦

因積毀咳唾莫逢人擲揄空睹鬼中又值干戈遑遑常
轉徙故隱茅山西今來笠澤溪荒者不復尋葺者還有
以將正陶令巾又蓋姜肱被不敢務有餘有餘必驕鄙
所期免假白假白多慚耻驕鄙既不生慚耻更能弭自
可致逍遙無妨閱經史吁余將四十滿望祇如此干澤

尚多難學一作稼茲復雨窮達雖繫命禍福生所履天
不飢死余飄風當自止

金陵懷古

玉樹聲沉戰艦收萬家冠蓋入中州祇應江令偏惆悵
頭白一作黑歸來是客遊

涼思

松間小檻接波平月澹烟沉暑氣清半夜水禽棲不定
綠荷風動露珠傾

鮫綃

雲供片段月供光
貧女寒機枉自忙
莫道不蠶能致此
海邊何事有扶桑

潮

暮去朝來無定期
桑田長被此聲移
蓬萊若探人間事
一日還應兩度知

忘憂花

繁紅落盡始淒涼
直道忘憂也未忘
數朵殷紅似春在

春愁特此一作光繫人腸

憶街西所居

衡門一別夢難稀
人欲歸時不得歸
長憶去年寒食夜
杏花零落雨霏霏

雲

南北東西似客身
遠峯高鳥自為鄰
清歌一曲猶能住
莫道無心勝得人

華清宮四首

中原無鹿海無波，鳳輦鸞旗出幸多。今日故宮

一作歸鄉

寂寞太平功業在山河。

漁陽烽火照函關，玉輦匆匆下此山。一曲羽衣聽不盡，至今遺恨水潺潺。

上皇鑿輅重巡遊，兩淚無言獨倚樓。惆悵眼前多少事，落花明月滿宮秋。

別殿和雲鑲翠微，太真遺像夢依依。玉上

一作

皇拚淚頻

惆悵應歎僧繇彩筆

一作飛點目

陳琳墓

冀州飛檄傲英雄，却把文辭事鄴宮。
縱道筆端由我得，九泉何面見袁公。

湖州朝陽樓

十二亭亭占曉光，隋家浪說有迷藏。
仲宣題盡平生恨，別處應難看屋梁。

賣花翁

和烟和露一叢花，擔入宮城許史家。
惆悵東風無處說

不教閑地著春華

自諷

世路升沉合自安
故人何必苦相干
塗窮始解東歸去
莫過嚴光七里灘

送杜鵑花

春紅始謝又秋紅
息國亡來入楚宮
應是蜀冤啼不盡
更憑顏色訴西風

西京道中聞蛙

雨餘林外夕烟沉忽有蛙聲伴客吟莫怪

一作聞時倍

却一作

惆悵稚圭蓬蓽在山陰

情

依依脈脈兩如何細似輕絲渺似波月不長圓花易落
一生惆悵為伊多

送荆南從事之岳州

秋拂湖光一鏡開庾郎蘭棹好徘徊遙知月落酒醒處
五十弦從波上來

渡淮作

紅杏花時辭漢苑
黃梅雨裏上淮船
雨迎花送長如此
辜負東風十四年

薛舍人見徵恩賜香并二十八字同寄

往歲知君侍武皇
今來何用紫羅一作香囊
都緣有意重

熏裛更灑江毫上玉堂

王母廟

鸞龍一夜降崑丘
遺廟千年枕碧流
賺得武皇心力盡

忍看烟草茂陵秋

塗中阻風

洛陽寒食苦多風
掃蕩春華一半空
莫道芳蹊盡成實
野花猶有未開叢

楚事

屈原云目極千里傷春心
宋玉云悲哉秋之為氣

悲秋應亦抵傷春
屈宋當年並楚臣
何事從來好時節
只將惆悵付詞人

和僧詠牡丹

萬緣銷盡本無心何事看花恨却深都是支郎足情調
墜香殘藥亦成吟

豫讓

韓魏同謀反覆深晉陽三板免成沉趙衰襄一作襄當面何
須恨不把干將訪負心

和寄座主尚書

偶逢戎旅戰爭日豈是明時放逐臣一作不用裁詩苦
惆悵風雷看起卧龍身

江行

霞低水遠碧翻紅一棹無邊落照中說示北人應不愛

錦遮泥健

澤一作

馬追風

旅館梅花

清香無以敵寒梅可愛他鄉獨看來為憶故溪千萬樹
幾年辜負雪中開

水鳥

烟為行止水為家兩兩三三睡暖沙為謝離鷺兼別鵠

如何禁得向天涯

楊花

不闌濃華不占紅
自飛晴野雪濛濛
百花長恨風吹落
惟有楊花獨愛風

水調

鑿河千里走黃沙
沙一作浮殿西來動日華
可道新聲是
亡國且貪惆悵後庭花

秋夕樓居

月裏青山淡如畫露中黃葉颯然秋危欄倚徧都無寐
祇恐星河墮入樓

經符堅墓

百里烟塵散杳冥新平一隰草青青八公山石君知否
休更中原作彗星

松江晚泊

吳臺越嶠兩分津萬萬檣烏簇夜雲吟盡長江一江月
更無人似謝將軍

送薛學士赴任峽州二首

負譴雖安不敢安
疊後聲裏獨之官
莫將彩筆閑拋擲
更待淮王詔草看


片帆飛入峽雲深
帶雨兼風動楚吟
何似玉堂裁詔罷
月斜鷓鴣漏沉沉

送許校書

故人言別倍依依
病裏班荆苦一作更
憶違明日柳亭一作尚
門外路不知誰賦
送將歸

蛺蝶

兩兩自依依南園烟露微
佳時須並住飛處要交飛
草淺憂驚吹花殘惜晚暉
長交一作教擷芳女夜夢遠人歸



御定全唐詩卷六百八十五

欽定四庫全書

御定全唐詩卷六百十六

集部

詳校官庶吉士臣胡 鈺

主事銜臣徐以坤覆勘

總校官知縣臣繆 琪

校對官中書臣石鴻翥

謄錄監生臣姚希慶

欽定四庫全書

御定全唐詩卷六百八十六

吳融

閩鄉寓居十首

一作卜居一本閩鄉
上有壬戌歲三字

阿對泉

六載抽毫侍禁闈可

一作不堪

多一作衰

病決然歸五陵年

少如相問阿對泉頭一布衣

自註阿對是揚伯起家僮
嘗引泉灌蔬泉至今在

蛙聲

穉珪倫

論一作

鑒未精通只把蛙聲鼓吹同君聽月明人

靜夜肯饒天籟與松風

茆堂

結得茆簷瞰

傍一作

碧溪閒雲之外不同棲猶嫌未遠函

闕道正睡剛聞報曉雞

清溪

清溪見底露蒼苔密竹垂藤鏢不開應是仙家在深處

愛一作流花片引人來

釣竿

曾拋釣渚入秦關，今却持竿傍碧灘。
認得舊溪游一作兼

舊意恰如羊祜識金環。

山僧

石臼山頭有一僧，朝無香積夜無燈。
近嫌俗客知踪跡，擬向中方斷石層。

小徑

礙竹妨花一徑幽，攀援可到玉峯頭。
若教須作康一作應對

莊好更

一作便

有高車駟馬憂

聞提壺鳥

早於批鵝巧於鶯故國春林足此聲今在天涯別館裏
為君沽酒復何情

木塔偶題

西南古刹近芳林偶得高秋試一吟無限黃花襯黃葉
可一作何須春月始傷心

山禽

碧嶂為家烟外樓
銜紅啄翠入芳蹊
可能知我心無定
頻裏花枝拂面蹄

聞歌

貫珠一夜奏纍纍
盡是荀家舊教詞
落盡梁塵腸不斷

九原誰報小憐知

一作一聲媽柳裏
寒枝又作小寒知

即席

竹引絲隨裏翠樓
滿筵驚動玉闌秋
何人借與丹青筆
畫取當時八字愁

便殿候對

宣呼晝入藥珠宮
玉女窗扉薄霧籠
待得華胥春夢覺
半竿斜日下廂風

南遷途中作七首

登七盤嶺二首

才非賈傅亦遷官
五月驅羸上七盤
從此自知身計定
不能迴首望長安

七盤嶺上一長號
將謂青天鑒鬱陶
近日青天都不鑒

七盤應是未高高

一作為高

渡漢江初嘗鱖魚有作

嘯父知機先憶魚
季膺無事已思鱸
自慚初識查頭味
正是栖栖哭阮塗

溪翁

飯稻羹菰曉復昏
碧灘聲裏長諸孫
應嗟獨上涇陽客
排比樹漿奠楚魂

寄友人

驚魂往往坐疑飄，便好為文慰寂寥。
若待清湘葬魚了，縱然招得不堪招。

塗中偶懷

無路能酬國士恩，短亭一作寂到黃昏。
迴腸一寸危如綫，賴得商山未有後。

訪貫休上人

休公為我設蘭湯，方便教人學洗腸。
自覺塵纓頓瀟灑，南行不復問滄浪。

鴛鴦

翠翹紅頸覆金衣
灘上雙雙去又歸
長短死生無兩處
可憐黃鵠愛分飛

野步

一曲兩曲澗邊草
千枝萬枝村落花
攜筇探去不知處
幾歎山河隔酒家

誄僧

玉堂全不限常朝
卧待重城宿霧銷
翻憶故山深雪裏

滿爐枯栢帶烟燒

買帶花櫻桃

粉紅輕淺靚妝新
和露和烟別近鄰
萬一有情應有恨
一年榮落兩家春

海棠二首

太尉園林

一作中

兩樹春

今番馬太尉徐公與化亭子有海棠二株

年年奔走

探花人今來獨倚

一作傍

荆山看迴首
長安落戰塵

雲綻霞鋪錦水頭
占春顏色最風流
若教更近天街種

馬上多逢醉五侯

送僧上峽歸東蜀

巴字江流一棹迴
紫袈裟是禁中裁
如從十二峯前過
莫賦佳人殊未來

杏花

五言
三韻

春物競相妬
杏花應竄嬌
紅輕欲愁殺
粉薄似啼銷
願作南華蝶
翩翩繞此條

草

染亦不可成畫亦不可得
長弘未死時應無此顏色

和楊侍郎

目極家山遠身拘禁苑深
烟霄慚暮齒麋鹿媿初心

山居喜友人相訪

秋雨空山夜非君不此來
高於剡溪雪一棹到門回

遠山

隱隱隔千里巍巍知幾重
平時未能去夢斷一聲鐘

江樹

終日衝奔浪何年墜亂風謝公堪入詠目極在雲中

薔薇

萬卉春風度繁花夏景長館娃人盡醉西子始新妝

梅雨

渾開又密望中迷乳燕歸遲粉竹低撲地暗來飛野馬
舞風斜去散醯雞初從滴瀝妨琴榭漸到潺湲繞藥畦

少傍海邊飄泊處中庭自有兩犁泥

一作中庭
刻雨翻泥

登途懷友人

日落野原秀雨餘雲物閑清時正愁絕高處正躋

一作登

攀京洛遙天外江河戰鼓間孤懷欲誰寄應望待

一作塞

鴻還

聞蟬

夏在先催過秋賒已被迎自應人不會莫道物無情木
葉縱未落鬢絲還易生西風正相亂休上夕陽城

秋色

染不成乾畫未銷霏霏拂拂又迢迢曾從建業城邊路

蔓草寒烟鎖六朝

自諷

本是滄洲把釣人無端三署接清塵從來不解長流涕
也渡湘灘一作作逐臣

宿青雲驛

蒼黃負譴走商顏保得微躬出武關今夜青雲驛前月
伴吟應到落西山

秋聞子規

年年春恨化冤魂
血染枝紅壓疊蘼
正是西風花落盡
不知何處認啼痕

荆南席上聞歌

迎愁斂黛一聲分
吊屈江邊日暮聞
何事過雲翻不定
自緣蹤跡愛行雲

武關

時來時去若循環
雙闔平雲謾鎖山
祇道地教秦設險
不知天與漢為關
貪生莫一作儘作千年計
到了都成一

夢闌爭得便如岩下水從他興廢自潺潺

月夕追事

曾聽豪家碧玉歌雲牀冰簟落秋河月臨高閣簾無影
風過迴廊幕有波屈指盡隨雲雨散滿頭贏得雪霜多
此時空見清涼影來伴蛩聲咽砌莎

上陽宮辭

苑路青青半是苔翠華西去未知回景陽春漏無人報
太液秋波有雁來單影可堪明月照紅顏無奈落花催

誰能賦得長門事，不惜千金奉酒柸。

送于員外歸隱藍田

曾吟工部兩峯寒，今日星郎得挂冠。
吾道不行歸始足，世情如此住應難。
圍棋已訪生雲石，把釣先尋急雨灘。
若遇秦時雪髯客，紫芝兼可備朝餐。

廢宅

風飄碧瓦雨摧垣，却有隣人與一作為鏢門。
幾樹好花閒，白晝滿庭荒草易。
一作自黃昏放魚池，涸蛙爭聚一作開棲。

燕梁空雀自喧不獨淒涼眼前事成陽一火便成

一作變寒

原

湖州晚望

鼓角迎秋晚韻長斷虹踈雨間微陽兩條邊

一作溪水分

頭碧四面人家入骨涼獨鳥歸時雲闔迴殘蟬急處日
爭忙他年若得壺中術一簇汀洲盡貯將

宋玉宅

草白烟寒半野陂臨江舊宅指遺基已懷湘浦招魂事

更憶高唐說夢時
穿徑早曾聞客住
登牆豈復見人窺
今朝送別還經此
吟斷當年幾許一作楚客悲

春晚書懷

落盡紅芳春意闌
綠蕪空鎖辟疆園
嫦娥斷影霜輪冷
帝子無蹤淚竹繁
未達東鄰林一作還絕想
不勞南浦更銷魂
晚來雖共殘鶯約
爭奈風淒又雨昏

寄楊侍郎

雲情鶴態莫誇慵
正上仙樓十二重
吟逸易沈鴉鵲月

夢長先斷景陽鐘
竒文已刻金書券
秘玉看鐫玉檢封
何事春來待歸隱
探知溪畔有風松

杏花

粉薄紅輕揜斂羞
花中占斷得風流
軟非因醉都無力
凝靛不成歌亦自
愁獨照影時臨水
畔寂含情處出牆
頭
裴回盡日難成別
更待黃昏對酒樓

一作
甌

憲丞裴公上洛退居有寄二首

鴻在冥冥已自由
紫芝峰下更高秋
拋來簪紱都如夢

泥著杯香

一作觴

不為愁晚樹拂簷風脫翠夜灘當戶月

和流自嗟不得從公去共上仙家十二樓

瘦如仙鶴爽風篁外却塵囂興緒長偶坐幾回沉皓月
閑吟是處到殘陽門前立使修書嬾花下留宿壓酒忙
目斷瓊林攀不得一重丹水抵三湘

叢祠

叢祠一炬照秦川雨散雲飛二十年長路未歸萍逐水
舊居難問草平烟金鞍正伴桐鄉客粉壁猶懷桂苑仙

何必向來曾識面
拂塵看字也淒然

分水嶺

兩派潺湲不暫停
嶺頭長瀉別離情
南隨去馬通巴棧
北逐歸人達渭城
澄處好窺雙黛影
咽時堪寄斷腸聲
紫溪舊隱還如此
清夜梁山月更明

赴職西川過便橋書懷寄同年

平門一作便橋橋下水東馳
萬里從軍一望時
鄉思旋生芳

草見客愁何限夕
陽知秦陵無樹烟
猶鎖漢苑空墻浪

欲吹不是傷春愛回首杏壇恩重馬遲遲

太保中書令軍前新樓

十二闌干壓錦城半空人語落灘聲風流近接平津閣
氣色高含細柳營盡日捲簾江草綠有時歌枕雪峰晴
不知奉詔朝天後誰此登臨看月明

玉女廟

九清何日降仙霓掩映荒祠路欲迷愁黛不開山淺淺
離心長在草萋萋簷橫綠派王餘擲窗裏紅枝杜宇啼

若得洗頭盆置此靚妝無復碧蓮西

坤維軍前寄江南弟兄

二年征戰劍山秋家在松江白浪頭關月幾時乾客淚
戍烟終日起鄉愁未知遠

聊一作

堞何當下轉覺燕臺不

易酬獨羨一聲南去雁滿天風雨到汀洲

滌水席上獻座主侍郎

暖泉宮裏告虔回略避紅塵小宴開落絮已隨流水去
啼鶯還傍夕陽來草能緣岸侵羅薦花不容枝蘸玉杯

莫訝諸生中獨醉感恩傷別正難裁

送知古上人

昔年離別浙河東多難相逢舊楚宮
振錫纔尋三徑草登船忽挂一帆風
幾程村飯添盃白何處山花照衲紅
不似投荒憔悴客滄浪無際問漁翁

和座主尚書登布善寺樓

往事何時不繫腸更堪凝睇白雲鄉
楚王城壘空秋色羊祜江山祇暝光
林下遠分南去馬渡頭偏認北歸航

誰知此日憑軒處一筆工夫勝七襄

金橋感事

太行和雪疊晴空二月春

一作青

郊尚朔風飲馬早聞臨

渭北射鵰今欲過山東百年徒有伊川歎五利寧無魏
絳功日暮長亭正愁絕哀笳一曲戍烟中

蕭縣道中

戍火三籠滯晚程枯桑繫馬上寒城滿川落照無人過
卷地飛蓬有燒明楚客早聞歌鳳德劉琨休更舞雞聲

草堂舊隱終歸去寄語巖猿莫曉驚

題兗州泗河中石林

李白杜甫
皆此飲詠

一片苔林水漱痕何人清賞動乾坤
謫仙醉後雲為態野客吟時月作魂
光景不回波自遠風流難問石無心
邇來多少登臨客千載誰將勝事論

禁直偶書

玉皇新復五城居仙館詞臣在碧虛
錦砌漸看翻芍藥鐔窗還詠隔蟾蜍
敢期林上靈烏語貪草雲間彩鳳書

爭奈滄洲頻入夢，白波無際落紅蕖。

送弟東歸

偶持麟筆侍金閨，夢想三年在故溪。
祖竹定欺簷雪折，穉杉應拂棟雲齊。
謬勞筋力趨丹鳳，可有文詞詠碧雞。
此別更無閒事囑，北山高處謝猿啼。

和座主尚書春日郊居

海燕初歸朔雁回，靜眠深掩百花臺。
春蔬已為高僧掇，臘醞還因熟客開。
簷外暖絲兼絮墮，檻前輕浪帶鷗來。

謝公難避蒼生意自古風流必上台

僧舍白牡丹二首

膩若裁雲薄綴霜春殘獨自殿羣芳
梅妝向日霏霏暖紈扇搖風閃閃光
月魄照來空見影露華凝後更多香
天生潔白宜清淨何必殷紅映洞房

侯家萬朵簇霞丹若並霜林素艷難合影
只應天際月分香多是畹中蘭
雖饒百卉爭先發還在三春向後殘
想得惠林憑此檻肯將榮落意來看

八月十五夜禁直寄同僚

中秋月滿盡

一作竟

相尋獨入非烟宿禁林曾恨人間千

里隔更堪天上九門深明涵太液魚龍定靜鑠圓靈象
緯沈目斷枚臯何處在闌干十二憶登臨

上巳日花下閑看

一作步

十里香塵撲馬飛碧蓮峯下踏青時雲鬢照水和花重
羅袖擡風惹絮遲可便無心邀斌媚還應有淚憶袁熙
如煙如夢爭尋得溪柳回頭萬萬絲

禪院奕棋偶題

衰塵絲雨送微涼，偶出樊籠入道場。
半偈已能消萬事，一枰兼得了殘陽。
尋知世界都如夢，自喜身心甚不忙。
更約西風搖落後，醉來終日卧禪房。

和張舍人

玉女盆邊雪未銷，正多春事莫無慄。
杏花向日紅勻臉，雲帶環山白繫腰。
鶯轉樹頭歌枕聽，凍開泉眼杖藜挑。
陵遷谷變如何一作須問控鶴山人字子喬。

送友赴闕

故人歸去指翔鸞，樂帶離聲可有歡。
驛路兩行秋吹急，渭波千疊夕陽寒。
空郊已歎周禾熟，舊苑應尋漢火殘。
遙羨從公無一事，探花先醉曲江干。

過鄧城縣作

不用登臨足感傷，古來今往盡茫茫。
未知堯桀誰臧否，可便彭殤有短長。
楚壘萬重多故事，漢波千疊更殘陽。
到頭一切皆身外，只覺闕身是醉鄉。

文德初聞車駕東遊

龍旆叢叢下劍門
還將瑞氣入中原
鰲頭一蕩山雖沒
烏足重安日不昏
晉客已知周禮在
秦人仍喜漢官存
自憐閑坐漁磯石
萬級雲臺落夢魂

子規

舉國繁華委逝川
羽毛飄蕩一年年
他山叫處花成血
舊苑春來草似煙
雨暗不離濃綠樹
月斜長吊欲明天
湘江日暮聲淒切
愁殺行人歸去船

簡州歸降賀京兆公

分棟山前曙色開
三千鐵騎簡州回
雲間墮箭飛書去
風裏擎竿露布來
古謂伐謀為上策
今看靜勝自中台
功名一似淮西事
只是元臣不姓裴

登漢州城樓

雨餘秋色拂孤城
遠目凝時萬象清
疊翠北來千嶂盡
漫流東去一江平
從軍固有荊州樂
懷古能無峴首情
欲下闌干一回首
鳥歸帆沒戍烟明

岐下寓居見槐花落因寄從事

纔開便落不勝黃
覆著庭莎襯夕陽
只共蟬催雙鬢老
可知人已十年忙
曉窗須為吟秋興
夜枕應教夢帝鄉
蜀國馬卿看從獵
肯將閒事入淒涼

和人有感

莫愁家住石城西
月墜星沉客到迷
一院無人春寂寂
九原何處草萋萋
香魂未散烟籠水
舞袖休一作猶翻柳
拂堤蘭棹一移風
雨急流鶯千萬莫長啼

欽定四庫全書

御定全唐詩

十九

御定全唐詩卷六百八十六

欽定四庫全書

御定全唐詩卷六百八十七

吳融

春歸次金陵

春陰漠漠覆江城，南國歸橈趁晚程。
水上驛流初過雨，樹籠堤處一作去不離鶯跡。
踈冠蓋兼無夢地，近鄉園自有情。
更被東風動離思，楊花千里雪中行。

途中見杏花

一枝紅艷

一作杏

出牆頭。牆外行人正獨愁。長得看來猶

有恨，可堪逢處更難留。林空色曙鶯先到，春淺香寒蝶未遊。更憶帝鄉千萬樹，澹烟籠日暗神州。

秋日經別墅

別墅蕭條海上村，偶期蘭菊與琴尊。簷橫碧嶂秋光近，樹帶閒寒一作寒潮。晚色昏，幸有白雲眠。楚客不勞芳草思，王孫北山移去前。文在無復教人歎，曉後

紅葉

露染霜乾片片輕，斜陽照處轉烘明。
和烟飄落九秋色，隨浪汎將千里情。
幾夜月中藏鳥影，誰家庭際伴蛩聲。
一時衰颯無多恨，看着清風綵剪成。

離雲溪感事獻鄭負外

足恨饒悲不自由，萍無根蒂水長流。
庾公明月吟連曙，謝守青山看入秋。
一飯意專堪便死，千金諾在轉難酬。
雲沉鳥去回頭否，平子才多好賦愁。

岐州安西門

安西門外徹安西一百年前斷鼓鞞犬解人歌曾入唱
馬稱龍子幾來嘶自從遠水烟塵起更到塗山道路迷
今日登臨須下淚行人無箇草萋萋

關西驛亭即事

晚霞零落雨初收關上危闌獨悵

悵一作
獨

留千里好春聊

極目五陵無事莫回頭山猶帶雪霏霏恨柳未禁寒冉
冉愁直是無情也腸斷鳥啼帆沒水空流

望嵩山

三十六峯危似冠晴樓百尺獨登看高凌鳥外青冥窄
翠落人間白晝寒不覺衡陽遮雁過如何鍾阜闔龍盤
始知萬歲聲長在只待東巡動玉鸞

題湖城縣西道中槐樹

零落歌斜此路中盛時曾識太平風曉迷天仗歸春苑
暮送鸞旗指洛宮一自烟塵生薊北更無消息幸關東
而今只有孤根在鳥啄蟲穿沒兼一作亂蓬

東歸次瀛上

暖烟輕淡草霏霏一片晴山襯夕

一作川
畫晚

暉水露淺沙

無客泛樹連疎苑有鶯飛自從身與滄浪別長被春教
寂寞歸回首青門不知處向人楊柳莫依依

偶書

青牛關畔寄孤村山當屏風石當門芳樹綠陰連蔽芾
長河飛浪接崑崙苔田綠後蛙爭聚麥壠黃時雀更喧
只此無心便無事避人何必武陵源

得京中親友書訝久無音耗以詩代謝

退閑何事不忘機况限溪雲靜掩扉馬類浪高魚去少
雞鳴關險雁來稀無才敢更期連茹有意兼思學採薇
珍重故人知我者九霄休復寄音徽

即事

抵鵲山前雲掩扉更甘終老脫朝衣曉窺青鏡千峯入
暮倚長松獨鶴歸雲裏引來泉脉細雨中移得藥苗肥
何須一筋鱸魚膾始挂孤帆問釣磯

病中宜茯苓寄李諫議

千年茯苓帶龍鱗太華峰頭得竄珍金鼎曉煎雲漾粉

玉甌寒貯露含津南宮已借徵詩客

杜工部有寄楊員外茯苓之什

內

署今還託諫臣飛檄愈風知妙手也須分藥救漳濱

槎

浪痕龍跡老敲危流落何時別故枝歲月空教苔蘚積
芳菲長倩薜蘿知有文在朽人難識無靈藏心鳥莫窺
家近滄浪從汎去碧天消息不參差

汴上觀

一本有河冰二字

九曲河冰半段來，巖霜結出勁風裁。
非時已認蟬飄翼，到海須憂蚌失胎。
千里風清聞戛玉，幾人東下憶奔雷。
殷勤莫礙星槎路，從看天津弄杼回。

閒居有作

依依芳樹

一作草

拂簷平繞竹，清流浸骨清。
愛弄綠苔魚

自躍慣偷紅果鳥，無聲踏青堤上烟。
多綠拾翠江邊月，更明只此超然長。
往是幾人能遂鑄金成。

離岐下題西湖

送夏迎秋幾醉來不堪行色被蟬催
身隨渭水看歸遠夢挂秦雲約自迴
雨細若為拋釣艇月明誰復上歌臺
千波萬浪西風急更為紅蕖把一盃

岐陽蒙相國對借一作宅因抒懷投獻

風有危亭月有臺平津閣畔好裴回
雖非宋玉誅茅至且學王家種竹來
已得靜居從馬歇不堪行色被蟬催
故園蘭菊三千里旅夢方應校嬾迴

晚泊松江

落日停橈古渡邊
古今踪跡一蒼然
平沙盡處雲藏樹
遠吹收來水定天
正困東西千里路
可憐瀟灑五湖船
如何不及前賢事
却謝鱸魚在洛川

過澠池書事

澠池城郭半遺基
無限春愁挂落暉
柳渡風輕花浪綠
麥田烟暖錦雞飛
相如忠烈千秋斷
二主英雄一夢歸
莫道新亭人對泣
異鄉殊代也霑衣

富春

水送山迎入富春一川如畫晚晴新雲低遠渡帆來重
潮落寒沙鳥下頻未必柳間無謝客也應花裏有秦人
嚴光萬古清風在不敢停橈更問津

高侍御話及

及一本無

皮博士池中白蓮因成一

章寄博士兼

上一本無

奉呈

白玉花開綠錦池風流御史報人知看來應是雲中隴
偷去須從月下移已被亂蟬催晚晚更禁涼雨動襜褕
習家秋色堪圖畫只欠山公倒接羅

憶媛

翠微雲歛日沉空，
叫徹青冥怨不窮。
連臂影垂谿色裏，
斷腸聲盡月明中。
靜含烟峽淒淒雨，
高弄霜天嫋嫋風。
猶有北山歸意在，
少驚佳樹近房櫳。

紅樹

一聲南雁已先紅，
神女霜飛葉葉一作槭槭淒淒。
同自是孤

根非暖

燒一作

地莫驚他木耐秋風暖

一作冷

又作曉烟散去陰

全薄明月臨米影，
半空長憶洞庭千萬樹。
照山橫浦夕

陽中

新雁

湘浦波春始北歸
玉關搖落又南飛
數聲飄去和秋色
一字橫來背晚暉
紫閣高翻雲幕
灞川低渡雨微微
莫從思婦臺邊過
未得征人萬里衣

海上秋懷

辭無珪組隱無才
門向潮頭過處開
幾度黃昏逢罔象
有時紅旭見蓬萊
磧連荒戍頻頻火
天絕纖雲往往雷

昨夜秋風已搖落那堪更上望鄉臺

憶山泉

穿雲落石細湔湔盡日

一作杳杳

疑聞弄管弦千仞灑來寒

碎玉一泓深去

注一作

碧涵天烟迷葉亂尋難見月好風

清聽不眠春雨正多歸未得只應流恨更潺湲

東歸望華山

碧蓮重叠在青冥落日垂鞭緩客程不奈春烟籠暗澹
可堪秋雨洗分明南邊已放三千馬北面猶標百二城

只怕仙人撫高掌年年相見是空行

遊華州飛泉亭

走馬街南百畝池
碧蓮花影倒參差
偶同人去紅塵外
正值僧歸落照時
萬事已為春棄置
百憂須賴酒醫治
殷勤待取前峰月
更倚闌干弄釣絲

池上雙鳧二首

碧池悠漾小鳧雛
兩兩依依祇自娛
釣艇忽移還散去
寒鷓有意即相呼
可憐翡翠歸雲髻
莫羨鴛鴦入畫圖

幸是羽毛無取處，一生安穩老菰蒲。

雙鳧狎得

一作相狎

傍池臺戲藻，銜蒲遠又回。敢為稻梁凌

險去，幸無鷹隼觸

一作逐

波來。萬絲春雨眠時亂，一片濃

萍浴處開不在。籠欄夜仍好，月汀星沼剩裴回。

葉落

紅影飄來翠影微，一辭林表不知歸。伴愁無色烟猶在，
替恨成啼露未晞。若逐水流應萬里，莫因風起便孤飛。
楚郊千樹秋聲急，日暮紛紛惹客衣。

和皮博士赴上京觀中修靈

此下一本有實字

齋贈威

儀尊師兼見寄

霓結雙旌羽綴裙
七星壇上拜元君
精誠有為天應感
章奏無私鬼怕聞
鶴馭已從烟際下
鳳膏還向月中焚
漢武燒鳳膏為燭以祀神壇 白雲鄉路看到好
駐流年翊聖文

春雨

霏霏漠漠暗和春
翠凝紅色更新寒
入膩裘濃曉睡
細隨油壁靜香塵
連雲似織休迷雁
帶柳如啼好贈人

別有空堦寂寥事
綠苔狼籍落花頻

秋池

冷涵秋水碧溶溶
一片澄明見底空
有日晴來雲襯白
幾時吹落葉浮紅
香啼蓼穗娟娟露
乾動蓮莖淅淅風
凌曉無端照衰髮
便悲霜雪鏡光中

首陽山

首陽山枕黃河水
上有兩人曾餓死
不同天下人為非
兄弟相看自為是
遂令萬古識君心
為臣貴義不貴身

精靈長在白雲裏應笑隨時飽死人

太湖石歌

洞庭山下湖波碧波中萬古生幽石鐵索千尋取得來

奇形怪狀誰能識初疑朝一作家正人立又如戰士方

狙擊又如防風死後骨又如於菟活時額又如成人楓

又如害瘦柏雨過上一作尚一作停泓風來中有隙想得沈潛

水府時興雲出雨蟠蛟螭今來砬砬林庭上長恐忽然

生白浪用時應不稱媧皇將去也堪隨博望噫嘻爾石

好憑依幸有方池并釣磯
小山叢桂且為伴鍾阜白雲
長自歸何必豪家甲第裏
玉闥干畔爭光輝一朝荆棘
忽流落何異綺羅雲雨飛

贈方千處士歌

把筆盡為詩何人敵夫子
句滿天下口名滿天下耳不
識朝不識市曠道遙閒徙倚
一杯酒無萬事一葉舟無
千里衣裳白雲坐卧流水霜
落風高忽相憶惠然見過
留一夕一夕聽吟十數篇
水榭林蘿為岑寂拂旦舍我

亦不辭攜筇徑去隨所適隨所適無處覓雲半片鶴一
隻

李周彈箏歌

淮南韋太尉席上贈

古人云絲不如竹竹不如肉

一作古云絲聲不如竹又云竹聲不如肉乃知

此語未必然李周彈箏聽不足聞君七歲八歲時五音

六律皆生知就中十三絃竄妙應宮

一作官

出入年方少

青驄慣走長楸日

一作間

幾度承恩蒙急召

一作召急

一字雁

行斜

一作斜行近雁字

御筵鏘金戛羽凌非

一作霏

烟始似五更

殘月裏淒淒切切清露蟬又如石罅堆葉下泠泠漉漉
蒼崖泉鴻門玉斗初向地織女金梭飛上天有時上苑
繁花發有時太液秋波濶當頭獨坐擬一聲滿座好風
生拂拂天顏開一本有分字聖心悅紫金白珠霑賜物出來
無暇更還家且上青樓醉明月年將六十藝轉精自寫
梨園新曲聲近來一事還惆悵故里春荒烟草平供奉
供奉且聽語自昔興衰看樂府祇如伊州與梁州盡是
太平時歌舞旦夕君王繼此聲不要停絃淚如雨

贈詈光上人草書歌

篆書樸隸書俗草聖貴在無羈束江南有僧名詈光紫
毫一管能顛狂人家好僻試揮拂一作灑瞬目已流三五

行摘如鉤挑如撲斜如掌迴如幹又如夏禹鎖淮神波
底出來手正拔又如朱亥鉞晉鄙袖中搯起腕欲脫有

時軟縈盈一穗一作色秋雲曳空濶有時瘦巉岩百尺枯

松露槎枿忽然飛動更驚人一聲霹靂龍蛇活稽山賀

老昔所傳又聞能者名張顛上人致功應不下其奈飄

飄滄海邊可中一入天子國
絡素裁縑灑毫墨不繫知
之與不知須言一字千金值

贈李長史歌

并序

余客武康縣既旬日將去邑長相餞於溪亭座中
有李長史袖出蘆管自請聲以送客且言我業此
二十年年少時五陵豪俠無不與之遊梨園新聲
一聞之明日皆出我下洎巢賊腥穢宮闕逃難於
東江淮間非吾土又無樂

一作知

音敝衣旅食雙髻

雪然然風月好時或亭臯送別必引滿自勸不能
忘情一曲未終泣然承睫越鳥胡馬之感感動傍
人羅進士隱初遇金陵有贈詩尚能成誦在口余
憫李之流落仰羅之所感故贈之時光啟戊申歲
清明月之八日

危欄壓溪溪澹碧翠裏紅飄鶯寂寂此日長亭愴別離
座中忽遇吹蘆客雙攘輕袖當高軒含商吐羽凌非作
霏烟初疑一百尺瀑布八九月落香爐巔又似鯨人為

客罷迸淚成珠玉盤瀉碧珊瑚碎震澤中金銀鐙撼龜
山下鏗勺揭調初驚人幽咽細聲還感神紫鳳將雛叫
山月玄兔喪子啼江春咨嗟長史出人藝如何值此艱
難際可中長似承平基肯將此為閒人吹不是東城射
雉處即應南苑鬪雞時白櫻桃熟每先賞紅芍藥開長
有詩賣珠曾被武皇問薰香不怕賈公知今來流落一
何苦江南江北九寒暑翠華猶在橐泉中一曲梁州淚
如雨長史長史聽我語從來藝絕多失所羅君贈君兩

首詩半是悲君半自悲

贈廣利大師歌

化人之心固甚難自化之

其一作

心更不易化人可以程

限之自化元須有其志在心為志者何人今日得之於

廣利三十年前識師初正見把筆學草書崩雲落日

一作

石千萬狀隨手變化生空虛海北天南幾回別每見書

蹤轉竒絕近來兼解作歌詩言語明快有氣骨堅如百

鍊鋼挺特不可屈又如千里馬脫韉飛滅沒好是不雕

刻縱橫衝口發昨來示我十餘篇詠殺江南風與月乃
知性是天習是人一作乃知性天習成人莫輕河邊殺糝飛作天
上麒麟但日新又日新李太白非通神

古離別雜言

紫鸞一作燕黃鵠雖別離一舉千里何難追猶聞啼風與

叫月沅連斷續令人悲賦情更有深繾綣碧甃千尋尚
為淺蟾蜍正向清夜沅映蝶須教墮絲罥莫道斷絲不
可續丹穴鳳皇膠不遠莫道沅水不迴波一作草草通沅水不迴

海上兩潮長自返

風雨吟

風騷騷雨泔泔長洲苑外荒居深門外流水流澶漫河
邊古木鳴蕭森實無禽影寂無人音端然拖愁坐萬感
叢於心姑蘓碧瓦十萬戶中有樓臺與歌舞尋常倚月
復眠花莫說斜風兼細雨應不知天地造化是何物亦
不知榮辱是何一作誰主吾困長滿是太平吾樂不極是
天生豈憂天下有大慙四郊刁斗常錚錚官軍擾人甚

於賊將臣怕死唯守城又豈復憂朝廷苦弛慢中官轉

縱橫李膺勾

一作鈞

黨即懼患竇武忠謀又未行又豈憂

文臣盡遭束高閣文教從今日

一作今日徒

蕭索若更無人

稍近前把筆到頭同一惡可歎吳城城中人無人與我

交一言蓬蒿滿徑塵一榻獨此閔閔

一作閔閔

何其繁雖然

小或可謀大娶婦之憂史尚存况我長懷丈夫志今來

流落滄溟淡有時驚事再咨嗟因風因雨更憔悴只有

閒橫膝上琴悲傷怨恨聊相寄伯牙海上感滄溟何似

一作今朝風雨思

江行

來時風去時雨蕭蕭颭春江
浦歌歌側側海門帆
軋軋啞啞洞庭櫓

壁畫折竹雜言

枯纏藤重欹雪渭曲逢湘江
別不是從來無本根
畫工取勢教摧折

古錦裾六韻

錦上有鸚鵡鶴
陸虞士有序

濯水經何日隨風故有人綠衣猶偪畫丹頂尚迷真暗
澹雲沈古青蒼蘚剝新映襟知惹淚侵羈想縈塵掣曳
無由睹流傳久自珍武威應認得牽挽一作穿脫幾當春

賦得欲曉看妝面

朧朧欲曙色隱隱辨殘妝月始雲中出花猶霧裏藏眉
邊全失翠額畔半留黃轉入金屏影隈侵角枕光有蟬
墮鬢樣無燕著釵行十二峯前夢如何不斷腸

府試雨夜帝里聞猿聲

雨滴秦中夜猿聞峽外聲已吟何遜恨還賦屈平情暗
逐哀鴻淚遙含禁漏清直疑遊萬里不覺在重城霎霎
侵燈亂啾啾入夢驚明朝臨曉鏡別有鬢絲生

題畫柏

不得月中桂轉思陵上柏閑取畫圖看煩紆米一作冰

釋桂生在青冥萬古烟霧隔下陰玄兔窟上暎嫦娥魄

圓缺且不常一作當高低圖一作固難測若非假羽翰折攀

何由得天遠眼虛穿夜闌頭自白未知一作如陵上柏一

定不移易有意兼松茂無情從麝食不在是非間與人
為憤激他年上縑素今日懸屋壁靈怪不可知風雨疑
來逼明朝歸故園唯此同所適回首寄團枝無勞惠消
息

平望蚊子二十六韻

天下有蚊子候夜啗人膚平望有蚊子白晝來相屠不
避風與雨羣飛出菰蒲擾擾蔽天黑雷然隨舳艫利嘴
入人肉微形紅且濡振蓬亦不懼至死貪膏腴舟人敢

停棹陸者亦疾趨南北百餘里畏之如虎_驅 一作噫嘻

天地間萬物各有殊陽者陽為伍陰者陰為徒蚊蚋是
陰物夜從喧牆隅如何正曦赫吞噬當通衢人筋為爾
斷人力為爾枯衣中穢且甚盤饌腥有餘豈是陽德衰
不能使消除豈是有主者此鄉宜毒荼吾聞蛇能蠱避
之則無虞吾聞蠱有毒見之可疾驅唯是此蚊子逢人
皆病諸江南夏景好水木多蕭疎此中震澤路風月彌
清虛前後幾來往襟懷曾未舒朝既蒙褻積夜仍踰遽

除雖然好吟嘯其奈難踟躕人生有不便天意當何如
誰能假羽翼直上言紅一作洪告一作鑪

桃花

滿樹和一作如嬌爛漫紅萬枝丹彩灼春融何當結作千
年實將示人間造化工

木筆花

嫩如新竹管初齊粉膩紅輕樣可攜誰與詩人喂檻看
好於牋墨併分題

荆東筵上有寄

襄王席上一神仙，眼色相當語不傳。
見了又休真似夢，坐來雖近遠於天。
隴禽有意猶能說，江月無心也解圓。
更被東風勸惆悵，落花時節定蝶一作蝶翩翩。

富水驛東極有人題詩

筆跡柔媚
出自纖指


繡纓霞翼兩鴛鴦，金盞銀川是故鄉。
只合雙飛便雙死，豈悲相失與相忘。
烟花夜泊紅蕖膩，蘭渚春遊碧草芳。
何事遽驚雲雨別，秦山楚水兩乖張。

上巳日

本學多情劉武威尋花傍水看春暉無端過著傷心事
贏得淒涼索漠歸

隨堤

搔首隋堤落日斜已無餘柳可藏鴉岸傍昔道牽龍艦
河底今來走犢車曾笑陳家歌玉樹却隨後主看瓊花
四方正是無虞日誰信黎陽有古家



御定全唐詩卷六百八十七